



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

37. Typogr. Sin. typi, literae, criptio, carta.

urn:nbn:de:hbz:466:1-10757

36.
Ars & acus
nautica.

historiis insularum quas Sinarum reges cum essent bellicosi suo imperio addidere, fuisse nauticam in summo pretio & laude apud Sinas, & si, quod magnete eximio abundant, verè ab auctoribus scribuntur, gnomonis ventorum fuisse Architecti, multum iis deberi ab omni humano genere; sed hoc satis qui probet, vel coniiciendum saltem prudentibus præbeat reperio neminem; nam quod Marcus Polus nobilis Venetus ab Sinis potuisse ad nos acum magneticam deferri vtcumque indicat, delatam fuisse nequaquam, imo ne quidem potuisse, si recte anni subducantur. Albertus Magnus & ante Albertum, Vincentius Bellouacensis magnetis illius meminerant, multo prius quam Polus ē Sinis & Haiton Armenus & B. Odericus rediissenr, & profert vterque fragmentum scriptoris veteris quem putant non alium ab Aristotele, quamvis Arabem magis quam Græcum innuant verba quædam, textui illius reliquiis permixta, cuiuscumque porro is fuerit, certò necesse est Poli ad Sinas Haitonis & Oderici nauigationem sæculis aliquot præuertisse. Ac magnetem fuisse nec ignotum Sinensibus, nec insulatum ab annis bis mille septingentis (forte alias in usus quam nauticos) mihi propemodum persuader quod lego apud Antonium Goueam, in chronicō vbi ab ultimis retro temporibus annos Sinensium legens; sexto inquit, anno Cini Vani, vnius ex primis regibus quos centum supra mille annos ante Christum ex familia protulit ex Nanchiao, quod & Chiaocum, dicebatur, hodie Cocincina, legati ad eum venerant, hos rebus confectis & iam in procinctu ad iterandum iter, vehementer angebat metus à recto aberrandi; quod vbi comperit Cœs Cunus, Mathematicus insignis, summa præfectura, & prudentia clarus, iubens esse viæ suæ securos imposuit currui, in quo statuam locarat ligneam, protensum indicem nunquam australi ab linea moturam; quod erat ipsorum rectum iter, sic rutos & alacres ab aula dimisit, quod arte alia potuisse præstari non capio nisi beneficio magnetis, hinc boream, hinc austrum perpetuo spectantis.

37.
Typogr. Sin.
typi, litera-
criptio, car-
ta.

Typographiam item Sinensibus fuisse perantiquam cum viris doctissimis facile sentio, alij medio post Christum seculo, illic ortam volunt alij sæculis ante ipsum multis; inde vero ad nos propagatam diuinant prope omnes, & magis cupiunt quam certis iudicent & probent argumentis.

Fier id clarius si (quod necesse est) illorum sermo & scriptio quam distet à nostris ostendero. Primum ergo alphabeto carent, nec animi sensa iunctis inter se in syllabus literis, collectis in verba syllabis exponunt: character illorum quilibet, vox una est, rem unam integrè exprimens, vt solent Astrologi planetas, Chymici artis suæ repræsentare materiam, & distinctas operationes, quare tot sunt Sinarum necessariæ literæ, quot voces; septuaginta milia quidam censem, alij octoginta, quamvis ad vulgarem legendi peritiam & scribendi, negent ultra decies mille sciri oportere, tametsi autem tot harum literatum non

fit

sit absoluta inter se diuersitas, sed eas dum forma quintuplici accinunt & totidem prope spiritibus molliunt pronuntiando vel asperant, significationibus diuersis afficiunt; quod idem factit scribendo, variis vna eademque in litera ductibus, seu apicibus significata indicando, quae debent iis pronuntiandis intelligi. Solet in exemplum adduci syllaba Cho, cuius pronunciatio decupla, res decem representat diuersas, & verba totidem quae diuersis apud nos acienda essent, vel afficienda notis quibus prescriberetur modus ea efferendi. Hinc tanta infinitas characterum, ut suus singulis vocibus possit attribui. Auctorem huius inuenti faciunt suum quendam Fohium quem & aiunt sibi Hoi- iantis nomen, hoc est Imperatoris arrogasse. Rem profecto quicumque is fuerit grandem & mirabilem inuenit, siue tot millium characterum spectetur impedita & perplexissima delineatio, siue huius ars, & arcana sensus, cum sit hic non solus arbitrii calami ludus, sed præclarus ingenij labor sacris forsitan Ægyptiorum typis sublimior; at enim Sinenses iis efferendis haud sunt æquè felices vt in describendis, ut quibus lingua sit indoles ad varietatem sonorum pareior, quam manus ad variandos characteres, & est nihilominus inter illas acutioris, & demissiores soni notas, iuxta quas effertur diuersi significati res eadem, discrimen tam tenue; tam exilis sensus, ut auribus opus sit ad hunc discernendum admodum delicatis. Sed linguam Sinarum hoc facit validè anicipitem, quod multos diuersæ notionis characteres sono proferunt eodem, nec possunt omnino percipi nisi ex sententia dictorum, consequens eorum significatio ducatur. Hinc hæc interdum necesse est, etiam apprimè in lingua versatos, & quærere descriptionem characteris, qui dubia voce exprimitur, quod iis aut motu digitorum in ære, aut in vola manus, radiis humi in puluere præstatur: vnde apud Sinas pluris semper fuit scriptio quam sermo; & Legationes, scripto semper non verbis obitæ. Inest autem Sinarum notis id commodi, ex arcane ferè illarum significatu natum, quod à confinibus populis facile capiuntur, Corium, Iaponia, Cocincina, Tunchinum, Sinaium quoque, Camboia & finitimæ insulæ iis vtuntur, ac licet inuicem patrium ignorent idioma; Sinense tamen legunt, proferuntque sua quisque diuersum lingua; sibique inuicem sermone diuersos, & barbaros iungit eadem characterum forma, seque perinde mutuo capiunt, ut si vnam haberent linguam omnibus communem. Iam quotidianus Sinarum sermo, itemque alius (quem forensem dicamus licet, ab omnibus discitur, quod Provinciarum omnium teratur vsu) sed est longè ab eo diuersus quæ in typos mittunt, capacior videlicet ingeniosi acuminis, & sensus heroicæ, quem committendarum literatum vis hieroglyphica suggerit. Voces omnes præter compositas, vnius sunt syllabæ, in qua multæ quidem leguntur vocales, sed velut apud nos diphongi, uno simul efferuntur sono, vocem eandem modis, temporibus, casibus, numeris, (quibus carent) adiuncta quædam accommodant; sed de Sinarum lingua, plus

satis haec tenus, de qua incidet peculiarius aliquid postea dicendum, scribendo penicillum pro calamo habent; pro digitis tribus prioribus pugnum, auriculari soluto & excluso, Hebræorum more ad dextram à sinistra in eam, sed ducant à summo ad imam folij lineas, nec atramentum adhibent liquidum & fluens, sed ex oleifumo, & gummi concretum, exsiccatumque in lamellas unius circiter digiti venustis impresas figuris; has vbi pingendum lapideæ tabulæ afflicant, quod derasum est, aquæ paucillo diluant, indeque pro sepiâ scribunt, quæ vero pagina Typis destinatur, elegantissimo inscripta charactere (cuius laudem formandi mirificè ambiunt) in politissimum ex pîro, vel pomo, asserem obuerso scripto glutine tenditur, vbi scalpro per tenuitatem cartæ pictos sequente characteres, lignei formantur detracito circum, & intus ligno, quoad puti & nitidi è ligno Typi emineant, cum planè in modum quo figuræ apud nos excudendæ, ligneis tabulis incidentur: quod præstant minori labore ac tempore, quam nostri suos in paginari cōponunt Typos, & tam expeditè grandem ex iis premunt exemplarium numerum, ut tria millia horis duodecim excudant. Sculptoris pretium tam vile ut quinque paulo plus assibus trecentos absoluat characteres, eti multa implexos ambage linearum, & apicum: ad libri auctorem, reddit Typis incisa lamina linea, quod is suo ære, illius pretium, & scalpendi operam solverit. Est etiam aliquo in usu litographia, seu Typi lapidei, sed iis quos dixi ligneis planè oppositi: ex iis enim albus dicitur character, quod depressior suâ areâ eius Typus, intactus ab sepiâ maneat acetam tingente. Ego præter ductas ex iis Typis scripturas, habeo folia nostris quadruplo maiora, hominum figuris, foliorum & arborum, & istiusmodi ludis imaginum, nigra in area sic albis lineis, & tam subtilibus depicta, ut omnem & patientiam & industriam vicisse Typographus artifex videatur: & hæc quidem Typographia Sinatum vel in hoc nostra deterior, quod minutissimo charactere ingentia opera breui spatio claudimus, illi nisi lato non possunt, ob amplitudinem literarum, quas multitudine, & varietate linearum, & apicum coguntur variis significationibus aptare. Chartæ item nostræ candor & densitas, eorum charta longè vtilior quæ licet foliis magnitudinem æquæ linterum, sed ita flaccidis, pellucentibus, & subnigris, ut utraque ex parte imprimi non possint. Atunt quidam ex serico, ex gosypho alijs, nonnulli ex medulla cannarum, & arboribus confici; sed iam à pingendis, pre mendisque literis, ad professionem illarum gradum faciamus, qui summus apud Sinas nobilitatis, opum, dignitatis, nominis cardo est & votorum summa. Septennes vix pueri, characterum quos memorauimus significata iam ediscunt, tum eosdem in charta incipiunt pingere; ad hoc pagus quilibet, nedum vrbes, magistros habent fisico regio authoratos disciplinarum grauiorum (incertum quamobrem) Academia toto regno nulla. Parentes aliquot inter se conueniunt, & commodo numero, sed minime grandi, erudiant tradunt preceptor, qui & iis du-